

四部文明

文懷沙 主編
秦漢文明卷



西安曲江文化產業投資集團支持

(三十五)

陝西震旦漢唐研究院 編纂
陝西人民出版社

四部文明

文懷沙主編

秦漢文明卷

三十五

陝西震旦漢唐研究院編纂
陝西人民出版社

秦漢文明卷 三十五



秦漢地理書薈二

水經注正誤舉例五卷

〔清〕丁謙撰 三一—九四

全校水經酈注水道表四十卷

〔清〕王楚材撰 九五—五三三

三輔黃圖六卷附校勘記一卷

〔漢〕佚名撰校勘記〔民國〕張元濟撰 五三五—五七〇

三輔黃圖一卷

〔漢〕佚名撰〔清〕孫星衍〔清〕莊達吉校 五七一—五九一

三秦記一卷

〔漢〕辛□撰〔清〕張澍輯 五九三—六〇二

兩漢說部書薈

古列女傳八卷

〔漢〕劉向撰 六〇五—七二五

神異經一卷

〔漢〕東方朔撰〔晉〕張華注 七二七—七三四

海內十洲記一卷

〔漢〕東方朔撰 七三五—七三九

楚漢春秋一卷

〔漢〕陸

賈撰

〔清〕茆泮林輯

七四一—七五一

飛燕外傳一卷

〔漢〕伶玄撰

七五三—七五八

別國洞冥記四卷

〔漢〕郭憲撰

七五九—七七〇

漢武故事一卷

〔漢〕班固撰

七七—七七五

秦漢地理書會二



〔清〕丁謙撰

水經注正誤舉例

景印民國吳興劉氏
刊求恕齋叢書本

水經注正誤舉例序

古者職志方輿胥從簡略惟酈氏水經注分條析縷引委求源千載以來士林崇尚顧文字繁濫失實遂滋援古證今動虞枘鑿於是或尊同墳典取備一家或采掇腴詞聊充千腋其篤嗜者就文箋義不問地形偶辨譌消仍囿科臼有功前哲無補新知讀未終篇神迷目眩金人蔡正甫撰補正水經三卷久已失傳吾郡沈繹旃炳異有集釋訂訛之作郡縣沿革悉注今名歲月繇礪竟亡舊槩常熟黃子鴻儀江甯汪梅村士鐸宜都楊惺吾守敬先後撰水經注圖黃作失傳汪氏以考證班志

水經注正誤舉例序

一求恕齋

爲主附訂正酈注祇十二條楊圖則古墨今硃複印一紙恪遵師說罔敢稍違是固近代鴻篇而猶依傍步趨罕抒心得者也仁和丁益甫先生實事求是年老益劬翼讀所著蓬萊軒輿地叢書創解殊多久深嚮往近又得其水經注正誤舉例五卷依可恃之山谿去陳言之影響析衷宜確攻訐無嫌武斷見疑苦心可諒試就酈氏原文探索實有牴牾難通乖於地勢之處今前後互易便合眞形俾讀者知若者可疑若者可信若者爲後人竄入稽古弗泥治絲不紛淵奧之書豁然開朗爲鄭氏諍臣卽爲酈氏知己矣惜全書未竟圖繪闕如然所

糾繩如漸江穀水諸節之顛倒及溫存浪潭八水之輻輳爬梳抉剔異義特標會稽童亦韓大令愆患付梓因爲審正攷誤壽之棗梨間有可商者方將折簡詳詢而先生修文遽赴無由析疑當世輿地家誠欲殫見洽聞甄名核實則此書別樹一幟力埽訛談正可互證是非藉窺涯涘百川纏絡一覽瞭然未始非初學津梁宿儒攷錯之具也庚申花朝吳興劉承幹序

水經注正誤舉例序

二求恕齋



小引

水經注一書地學家與班志並尊視同聖經賢傳不敢稍參私議今儼然爲之正誤知見者必謂爲狂鑿無疑竊思地理者徵實之學水與山之位置皆造物者豫爲排定豈人力所能意爲更張此書注釋校箋自明後已三十餘家碩彥鴻儒均畢生盡力於此所不解者諸公矻矻類於故紙中講求水道絕不於實地上探尋水道以故作者愈眾謬戾愈多余每取其書與與圖合讀輒瞢然如墮雲霧思欲仿董方立殘藁遺意以今地爲主證明而疏通之凡遇顛倒錯雜諸條不得不謂之誤非

水經注正誤舉例小引

一求恕齋

故意訐擊也惟卷帙繁重又迫桑榆晚景詎敢必其有成故握筆而中止者屢矣茲始決然爲之余浙人也特草漸江篇以啟其端姑盡其力所能爲卽弗成後人可推其意以爲廣續因目爲舉例云至說之當否仍俟海內地學家之論定焉乙卯孟夏七十三老人丁謙識

水經注正誤舉例卷一

求恕齋叢書

仁和丁謙纂述

吳興劉承幹參校

漸江水

漸江水出三天子都北過餘杭東入於海此段水經原文

三天子都見於山海經及郭璞注者凡三一為浙江

所出一為廬江所出一則混言南海之內今安徽績

谿縣東南有大鄣山當即水經所指郭注作三天子

縣東太平寰宇記作大鄣山績谿正在歙縣東浙水出處若廬江遠在彭澤

西又一三天子都不詳所在均與浙江無涉明甚然

水經注正誤舉例卷一

一求恕齋

績谿處餘杭正西當云東過不當云北過必如顧野

王之說謂今永康晉雲山是三天子都方向始合且

凡記諸大水例必取最遠之一支為正源然後敘述

全水貫串無忤浙江之水大源有四三在南一在北

流行道里不甚相懸於中擇其較遠者自當以仙霞

嶺水為正源況浙江大段皆由南而北後乃迤東以

入海如是水自閩界北行經江山北與北來之馬金

嶺水合遂名穀水乃折東行歷龍游湯谿縣北至蘭

谿縣境與東來之婺水合又折而北至建德縣境方

與新安江水合茲以新安江為正源已非順序之義

而績谿之水較之休寧婺源兩界所出之率水來源

之長短亦異郭注本溪地志主率水總之水經記漸

江水僅此三語三語中又不倫不類惟有存而弗論

而已

鄭善長注云山海經謂之浙江地理志水出丹陽黟縣

南蠻夷中北逕其縣南浙江又北歷黟山

此水出今休寧西南界率山名曰率水北流轉東經

休寧縣南蓋休祁等縣當時皆黟縣境也因水源出

處漢時皆為山越所據不知其名故地理志僅混稱

蠻夷中

水經注正誤舉例卷一

二求恕齋

浙江又北逕歙縣東與一小谿合水出縣東北翁山西

逕故城南又西南入浙江

歙東小谿即三天子都所出水翁山即大鄣山此谿

今名登水所謂故城當在臨谿鎮地故又西南入浙

江

又東逕遂安縣南當作始新谿廣二百步上立杭以相通浙

江又左合絕谿谿水出始新縣西始新當作新定東逕縣故城

南為東西長谿谿有四十七瀨谿水東注浙江

按新安江自入浙境但經淳安縣南不經遂安縣考

淳安地三國吳時置始新縣并於縣置新都郡晉初



改新安郡絕谿卽武強谿出遂安縣西界東流迤北經遂安城又東北入新安江所謂東西長谿也遂安吳時置新定縣晉初改遂安

浙江又東北逕建德縣南穀水入焉水源西出太末縣其水飛湍北注至縣南門入穀水

按原文自逕建德縣南以下顛倒錯亂全無次序茲據目前水道細爲理董方有支派可尋穀水今衢州港源出閩界之仙霞山北流經江山縣至西安縣西入衢港當時皆太末地也其水飛湍北注兩句原在永康谿水下攷永康縣西南雖有北注之水但所入

水經注正誤舉例卷一

三求恕齋

非穀亦不在南門且不應舍浙江正源敘茲小谿之理故移置於此惟南門門字或是衍文

穀水又東定陽谿水注之水上承信安之蘇姥布水懸百餘丈瀨勢飛注狀如瀑布其水分納眾流混波東逝逕定陽縣谿水又東入於穀水

定陽谿水卽西安縣南之烏谿漢末於西安地置定陽縣故曰定陽谿水在江山東北與衢港合信安今常山縣衢港上承之水出開化縣北馬金嶺當時亦信安境此水南流經開化常山折東以入西安

谿水當作穀水又東逕長山縣北與永康谿水合谿水南出

永康縣逕長山縣南與吳寧谿水合水出吳寧縣下逕烏傷縣謂之烏傷谿水谿水又西原作穀水又東誤逕烏傷縣之黃雲山入穀水

晉長山卽今金華縣金華谿水今稱婺江是時尙無婺州之名當以吳寧谿代表婺江以水源較永康谿長也吳寧卽東陽縣水出縣東與嵯縣交界之白峰嶺西流經義烏古曰烏傷縣又西至金華縣南與永康谿合水南出縉雲境北流迤東經永康武義二縣合東陽谿爲婺江又西北至蘭谿縣南大雲山卽黃雲山烏傷地古入於穀水○按穀水東流婺江西注穀水無

水經注正誤舉例卷一

四求恕齋

東入婺境之理而婺境水亦不得通稱穀水原文多誤

穀水又東當作又北入錢唐建德縣而左入浙江

穀水東至蘭谿合婺江後卽折而北與新安江會自是更無穀水名稱則錢唐爲建德之誤毫無疑義

浙江又東逕壽昌當作桐廬縣南自建德至此八十里中有十二瀨瀨皆峻險行旅所難

此段敘七里瀨故有峻險之十二瀨其地正在建德之北桐廬之南與壽昌無涉蓋壽昌僻在建德西南但有山谿非大江所能經也

浙江又北逕新城縣亦當作桐廬桐谿水注之水出吳興郡

於潛縣北天目山南流逕縣西爲縣西谿谿水又東南

與紫谿合水出百丈山東南逕桐廬縣爲桐谿入浙江

按桐谿水由桐廬入江並不經新城縣攷桐廬於孫

吳時分富春之桐谿鄉置縣與新城無涉不知何以

致誤天目山有二均在於潛縣境此水係出西天目

山西谿今日虞谿紫谿所出百丈山在今昌化縣西

北桐谿又東南經今分水縣以入桐廬此不言者分

水唐置當時俱隸桐廬也入浙江三字原文在後逕

新城縣下係誤今刪彼移此

水經注正誤舉例卷一

五求恕齋

桐谿當作浙江又東北逕新城縣

按桐谿已於桐廬城東入江此處不得更有桐谿豈

因桐谿入江後有桐江之名以是致誤耶然新城縣

下當補一南字蓋浙江第經其南界非縣城也

浙江又東北入富陽縣南浙江又東北逕亭山西又逕

永興縣南又東合浦陽江江水導源烏傷縣又東逕諸

暨縣與洩谿合谿廣數丈中道有兩高山夾谿造雲壁

立凡有五洩下洩懸三十餘丈廣十丈中三洩不可得

至登他山遠望乃得見之懸百餘丈水勢高急聲震水

外上洩懸二百餘丈望若雲垂此是瀑布土人號爲洩

也江水又東逕諸暨縣北夾水多浦浦中有大湖春夏
多水秋冬淺涸

亭山在富陽南稍東與縣城隔江相望永興今蕭山

縣浦陽江出今浦江縣西井劍山攷浦江地古爲烏

傷諸暨二縣所分轄水源出處爲烏傷境江東流經

浦江城又逕東北經諸暨城分爲二派一曰下東江

一曰下西江均東北流五洩谿出富陽南界長春嶺

南流入諸暨境其水行伏虎山向天嶺中閱屢過峻

峽故多成瀑布又南經五洩山寺迤而東流至諸暨

城北原作南誤與下西江合下東下西二江分行約五十

水經注正誤舉例卷一

六求恕齋

餘里而合故曰夾水近夾水有大湖三一白塔湖一

東泌湖一西泌湖水皆不甚深居民蒔稻其中稱爲

湖田遇歲亢旱則倍收浦陽江又北至蕭山南境迤

西北流經臨浦義橋二鎮入浙江。按此段原文脫

佚浦陽江下游由永興南境入江之語適剋江水文

亦缺首段昧者遂合而爲一并改剋江字爲浦陽以

滅其跡剋縣江原作何江已不可攷竟致貽誤千古不知剋與諸

暨中間均隔大山正脈二縣之水萬無可以通流

之理何注校紛紛並無一人實地攷察以糾正之

浙江又東北流至錢唐縣浙江北合詔息湖浙江又逕

固陵城北浙江又東注於海

按浙江正流文盡於此其後所稱浙江皆浙西浙東之旁支也慎弗一例視之詔息湖不知所在觀江水北合之文似指錢唐縣南江流曲處是處水面最爲寬廣有類大湖故秦皇不敢竟渡下詔憩息焉固陵卽西陵今蕭山縣西興鎮城門尙存俗稱鐵陵關

浙江逕餘杭縣左合餘杭大谿浙江又東逕餘杭故縣南新縣北浙江又東逕靈隱山山下有錢唐故縣縣南江側有明聖湖縣有武林山武林山水所出縣東有定已一作等山皆西作北臨浙江水流於二山之閒江川

水經注正誤舉例卷一

七 求恕齋

急濬兼濤水晝夜再來來應時刻浙江又東合臨平湖浙江又東逕禦兒鄉浙江又東逕柴辟南浙江又東逕相塘謂之相瀆

按此段除西臨浙江句是浙江本流其餘所謂浙江皆指浙西諸水諸水雖有上流或下游與浙江相通然各有本名乃推互受通稱之例冠以浙江名稱眉目混淆誤盡來學誠鄙亭之僻見歟如逕餘杭縣左之浙江實南苕谿水出於潛縣北東天目山東南流經臨安縣以入餘杭此不及者上有缺文也餘杭大谿蓋總指縣南諸水據餘杭志舊縣城在苕谿南東

漢熹平二年徙谿北後復舊宋雍熙初再徙谿北以迄於今按新舊縣城址相接近惟中隔苕谿一水鄺氏當復治谿南時故指漢末所徙爲故縣耳靈隱山今北高峰錢唐故縣在留下鎮地時杭州城猶未建也明聖湖卽西湖武林山或云卽餘杭南境稽留山武林水則指西谿無疑趙注謂西湖非是定山在錢唐縣南四十里包山今日浮山在定山稍北當時江水由漁山鎮地折而北流故水經二山之閒後以沙漲遂距江遠臨平湖在杭城北臨平鎮西此云浙江東合者指今上塘河由此北流又有下塘河自閘口分錢江

水經注正誤舉例卷一

八 求恕齋

水入城北經石門縣以至嘉興爲古禦兒鄉柴辟越絕書作辟塞其地當在平湖塘北蓋春秋吳越二國沿此塘河爲戰守界也相塘似指今乍浦海塘聞昔時浙西之水可由此入江故又稱相瀆越絕書言吳從由拳卽嘉興辟塞渡會稽溪山陰又孫策由相瀆渡江破固陵皆此道也明地志注平湖之水由敵浦乍浦蘆港滬浦三口入海可證又按自鄣注有浙江逕餘杭縣左之文後儒遂謂古時浙江實至餘杭縣地余攷浙江西岸由富陽達杭州今城皆有山嶺隔之江水萬不能至餘杭而鄺氏言此蓋泥讀水經漸江水北過餘杭句故也不知水

經之敘漸江止三語其曰餘杭不過標舉地望非拘執餘杭一縣地鄰注既將流經餘杭之水稱為浙江因推及他水並舉浙西東諸水一概稱為浙江試思浙江縱能西至餘杭豈能又分一派東及越境耶余窺破此點始知鄭注之言僅為互受通稱之例所誤非真認浙西東諸水均為浙江正流也特揭而出之庶幾千載疑雲一時盡掃

有西陵湖亦謂之西城湖湖西有湖城山東有夏架山湖水上通浦陽江下注浙江又逕永興縣北又逕會稽山陰縣名曰東江行旅所從以出浙江也

水經注正誤舉例卷一

九求恕齋

此段敘今蕭山縣水西陵即固陵已見前因湖近西陵即以城名之今所稱湘湖是也湖城山在下湘湖西今日越王城山湖之亦名西城以此夏架山今日大湖山在湖東南上湘湖西南有一港經義橋鎮本與浦陽江相通湖水出此即隨浦陽江北注浙江後因浦陽江水漲每灌入湖中為下游三縣害故居民築壩以堵截之使湖水東行經蕭山縣北又東北至錢清鎮入山陰境曰會稽山陰者猶言會稽郡所治之山陰縣也會稽秦郡本治吳縣至後漢乃徙治山陰又上湘湖南分出一水東流經錢清又經安昌

下方橋等市趨三江閘口皆名西小江其由錢清東南至郡城直抵曹娥壩則為東江凡合寧各地之行旅均從此道赴西興以渡浙江也

浙江又東北得長湖口湖廣五里東西百三十里沿湖開水門六十九所下溉田萬頃北瀉長江湖南有覆斗山周五百里北連鼓吹山山西枕長谿谿下注長湖湖水自東亦注江通海浙江又東與蘭谿合浙江又逕越王允常冢北浙江又東北逕種山西浙江又北逕山陰縣西

水經注正誤舉例卷一

十求恕齋

此段敘今山陰縣水長湖者鑑湖也今自常禧門俗稱偏西跨湖橋港迤西北行經柯橋鎮北至錢清鎮七十餘里皆鑑湖故道今仍稱鑑湖惟僅如尋常一河湖形已失攷其北自青電湖西北別有一河相夾而行亦抵錢清意古時兩河中閒並皆湖面恰與此書湖廣五里脗合後以湖水淤淺居民圖利分占為田第於湖之外邊留二河以為界至自東迄西原有百三十里視今水長幾及半但遺跡已不可見矣宋史忠義傳劉韜知越州鑑湖為民侵耕官因收其租歲二萬斛云云此北宋末廢鑑湖為田之證長湖之口當即在錢清地北瀉長江謂湖水北注運河覆斗山今日覆釜嶺按釜越俗稱錢與錢同音為會稽山正脊山脈起東

陽縣南大盆山連峰北行爲東陽新昌諸暨嵊縣山陰會稽六縣大分水界支峰難以勝數故云周五百里非僅指一山也鼓吹山在香港峰西南康熙紹興志作長湖山當作長谿以山下卽長谿發源處今日棲覺港本書注秦望山在覆釜嶺西賀臺在鼓吹山西嵯峴當指駐日嶺山脈無餘古城當在今諸暨東北境湖水自東注江通海謂鑑湖東注運河出三江閘以入海蘭谿卽婁公河源出大慶嶺西流轉北過晉時蘭亭迤東北經婁公埠至城西跨湖橋入於鑑湖越王允常冢在婁公埠東南木客山種山卽城內卧龍山此二浙江均指蘭亭谿

水經注正義舉例卷一

十三求恕齋

又有會稽山古防山也山海經曰夕一作夕水出焉南當作北流注於溟一作湖北臨大湖水深不測傳與海通東帶若耶谿谿水上飛嵯峴麻谿谿之下孤潭周數畝甚清深麻潭下注若耶谿谿水下注大湖湖水上承妖皋谿下注浙江耶谿之東有寒谿谿之北有鄭公泉泉方數丈冬溫夏涼

此段敘今會稽縣水會稽山乃禹陵以南諸山總名非一山專名故至今無稱某山爲會稽山者上上覆嵎山下云周五百里當移於此方協山海經夕水卽若耶谿無疑惟水實北流作南者誤溟似湖名故一

本作湖殆卽今桶盤湖大湖者秧菰湖也湖周十五里面積二十五里東帶若耶谿謂山之東非指湖東若耶谿今稱平水港源出茅園嶺卽所云嵯峴麻谿東北流經雲門寺至平水鎮又北至莊前村有潭水在其左卽此孤潭俗稱西湖以處麻谿旁故又曰麻潭耶谿直北流過郡城東至桶盤湖又西北匯爲秧菰湖湖水上承二句原在西陵湖後然其上既有上通浦陽江下注浙江語不應有此複沓文法今移秧菰湖下見湖西別有上承之水不盡出耶谿也妖皋谿當指瓜子湖水寒谿爲小舜江之一源水出處正

水經注正義舉例卷一

十三求恕齋

在若耶谿東其水東經湯浦市合小舜江又東北入上虞江鄭公泉據府志泉出石鑄上爲行路非山僧野史不知其處又原注會稽山下有禹廟及禹穴今故存在始皇紀功處在秦望山西南曰刻石山射的山在城南十五里與白鶴山連其北石帆山今日吼山

江水又東南當作北逕剡縣與白石山水會山上有瀑布懸水三十丈下注剡江原作浦陽江誤剡江浦陽水又東流南屈又東迴北轉逕剡縣東

此下皆敘今嵊縣江水此水共有大源四刻谿者西源也一名西谿其南有二源一曰錦谿由東陽縣南

經新昌西境入嵎至城西南三里許與新昌港會新昌港出東南剡界嶺西北流入嵎合錦谿而東北與西谿會稱嵎縣江又東折北十五里至浦口市有東南來之黃澤港入之又北至清風嶺折西轉北過三界市入上虞境又北經章家埠市至梁湖壩爲曹娥江又北迤西合三江閘所出水入錢唐江東趨於海此全江之大略也鄭注僅及西源又其上有脫文昧者弗察竟移接於浦陽江下并臆改其江名皆曰浦陽致成千古疑案昔謝康樂徙家始興卽今三界市上下地康樂劉宋時人在道元前約百年而所著山水經注正誤舉例卷一

水經注正誤舉例卷一

三 求恕齋

居賦曰近南則會以雙流自注雙流謂剡江及小江並無一字及於浦陽知剡江與浦陽江實無干涉惟此江原文不知何稱謹依康樂賦注定爲剡江江之西源亦出東陽南長龍山逕剡縣者謂入嵎縣境也白石山卽今太白山山中有鹿苑寺寺旁懸大瀑布下注成谿東北流折南至前王村與西谿合其後東流南屈東迴北轉形勢亦多相符既抵剡縣由城西而南而東遂與南來二源合

江水翼縣轉注故有東渡西渡東南二渡通臨海並汎單船爲浮航西渡通東陽併二十五船爲橋航江邊有

查浦浦東行二百餘里與句章接界

此段詳紀南浦地形非敘江流也其地至今仍爲臨海卽台州府東陽孔道惟西南二渡早建石橋近年東渡亦建石橋水濱地曰浦今縣南境尙有南浦之稱獨查浦名已湮沒漢句章縣在今慈谿鎮海之閒由剡東陸行二百餘里恰合

又本書自注云浦裏有六里有五百家並夾浦居列門向水甚有良田有青谿餘洪谿大發谿小發谿江上有六谿六谿裂漑散入江夾谿上下崩崖若傾東有簞山南有黃山與白石三山爲縣之秀峰山下畝

水經注正誤舉例卷一

十四 求恕齋

泉流導湍石激波浮險四注按當時剡縣尙未析置新昌南境甚大此六里僅指查浦言五百家夾浦而居蓋專指沿城一帶民戶六谿正流卽錦谿與新昌港其他四谿皆二水之分支裂漑猶言分漑散入江猶言各自入江青谿等名早經更易難以確指崩崖若傾如錦谿之龜巖獅子巖新昌港之南巖形均肖似簞山在縣東南四十里黃山今日小黃山在新昌城西北惟二山實卑小不足與西之白石山並稱秀峰當易爲東四明南天姥西太白方合

剡江原誤浦陽又東逕石橋江水又北逕嵎山剡江原誤浦陽又